



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

**პროგრამის სტრუქტურა და შინაარსი**

<p><b>პროგრამის სახელწოდება</b> (ქართულად და ინგლისურად)</p>	<p><b>კულტურის და მედიის სოციოლოგია</b> Sociology of Culture and Media</p>
<p><b>მისანიჭებელი კვალიფიკაცია</b> (ქართულად და ინგლისურად)</p>	<p>სოციოლოგიის დოქტორი PhD in Sociology</p>
<p><b>პროგრამის მოცულობა კრედიტებით და მათი განაწილება</b></p>	<p>პროგრამის ხანგრძლივობა შეადგენს 3 აკადემიურ წელს. დოქტორანტურის სასწავლო გეგმა მთლიანობაში მოიცავს 30 კრედიტს (სასწავლო კომპონენტი).</p> <p>სადოქტორო პროგრამის სასწავლო კომპონენტი - 30 ECTS, მათ შორის:</p> <p><b>სავალდებულო სასწავლო კომპონენტი - 25 კრედიტი:</b></p> <ul style="list-style-type: none"> <li>⌋ დარგობრივი სემინარი - 15 კრედიტი;</li> <li>⌋ პროფესორის ასისტენტობა – 5 კრედიტი;</li> <li>⌋ კვლევის მეთოდოლოგია სოციალურ მეცნიერებებში-ემპირიული კვლევის მეთოდები - 5 კრედიტი.</li> </ul> <p><b>არჩევითი სასწავლო კომპონენტი - 5 კრედიტი:</b></p> <ul style="list-style-type: none"> <li>⌋ პროფესორის ასისტენტობა – 5 კრედიტი;</li> <li>⌋ პერფორმანსის სოციოლოგია - 5 კრედიტი;</li> <li>⌋ საზღვარგარეთის აკრედიტებულ უმაღლეს სასწავლებლებში მოსმენილი სადოქტორო სასწავლო კურს(ებ)ი - 5 კრედიტი.</li> </ul> <p><b>სადოქტორო პროგრამის კვლევითი კომპონენტი მოიცავს:</b></p> <ul style="list-style-type: none"> <li>⌋ სამეცნიერო კვლევითი პროექტი 1</li> <li>⌋ სამეცნიერო კვლევითი პროექტი 2</li> <li>⌋ სამეცნიერო კვლევითი პროექტი 3</li> <li>⌋ სადისერტაციო ნაშრომის მომზადება და დაცვა.</li> </ul> <p>სამეცნიერო კვლევითი პროექტი 1, 2 და 3 მხოლოდ განმავითარებელ შეფასებას მოიცავს და წარმოადგენს დაცვის წინაპირობას, ხოლო სადისერტაციო ნაშრომის დაცვისას გამოიყენება განმსაზღვრელი შეფასება.</p> <p>დოქტორანტის სამეცნიერო-კვლევითი პროექტის მიზანია მისი სადისერტაციო კვლევის ცალკეული ასპექტის წარდგენა სადოქტორო პროგრამის სპეციალიზებული სექციის სხდომაზე.</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

სწავლების ენა	ქართული
პროგრამის ხელმძღვანელი/ხელმძღვანელები /კოორდინატორი	<p>ამირან ბერძენიშვილი, ფილოსოფიის მეცნიერებათა დოქტორი, პროფესორი, სოციალურ და პოლიტიკურ მეცნიერებათა ფაკულტეტი;</p> <p>ლია წულაძე, სოციოლოგიის მეცნიერებათა დოქტორი, ასოცირებული პროფესორი, სოციალურ და პოლიტიკურ მეცნიერებათა ფაკულტეტი.</p>
პროგრამაზე დაშვების წინაპირობა	<ol style="list-style-type: none"> <li>1. პროგრამაზე დაიშვებიან სოციალურ და პოლიტიკურ მეცნიერებათა ფაკულტეტის, ფსიქოლოგიისა და განათლების მეცნიერებათა ფაკულტეტის, ჰუმანიტარულ მეცნიერებათა ფაკულტეტის, ეკონომიკისა და ბიზნესის ფაკულტეტის სამაგისტრო პროგრამების კურსდამთავრებულები, მაგისტრისან გათანაბრებული ხარისხის მქონე, საქართველოს ფარგლებს გარეთ მიღებული განათლების შემთხვევაში, „უმაღლესი განათლების შესახებ“ საქართველოს კანონის 50-ემუხლის მოთხოვნათა შესაბამისად აღიარებული დიპლომის მფლობელი პირები, რომლებიც სოციალური თეორიის და მეთოდების (რაოდენობრივი და თვისებრივი) სათანადო კომპეტენციას ფლობენ, რათა ემპირიული კვლევის წარმართვა და შესაბამისი სოციალური თეორიებით მისი გამყარება შეძლონ;</li> <li>2. ინგლისური ენის ცოდნა მინიმუმ B2 დონეზე;</li> <li>3. სავარაუდო სამეცნიერო ხელმძღვანელისა და პროგრამის ხელმძღვანელის თანხმობა;</li> <li>4. გასაუბრება და გასაუბრების შედეგების საფუძველზე დოქტორანტურაში მიმღები კომისიის მიერ გაწეული რეკომენდაცია;</li> <li>5. სადოქტორო კვლევითი პროექტის (პროსპექტუსი) გეგმა, რომელსაც დოქტორანტურაში ჩაბარების მსურველი წარმოადგენს.</li> </ol>
საგანმანათლებლო პროგრამის მიზანი	<p>სადოქტორო პროგრამის მიზანია დამოუკიდებელი და სრულფასოვანი მკვლევრების მომზადება კულტურის და მედიის სოციოლოგიის სფეროში, რომლებიც შეძლებენ:</p> <ul style="list-style-type: none"> <li>) დარგობრივი ცოდნის გამდიდრებას ორიგინალური თეორიული და/ან მეთოდოლოგიური ხედვის შემოთავაზებით;</li> <li>) ახალი ცოდნის შექმნის მიზნით ინოვაციური კვლევების განხორციელებას თვისებრივი და/ან</li> </ul>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>რაოდენობრივი მეთოდების გამოყენებით, ან მათი ინტეგრირების გზით, ხოლო მიღებული შედეგების გავრცელებას და დანერგვას როგორც საგანმანათლებლო სფეროში, ასევე შრომის ბაზარზე;</p> <p>კ) მულტიდისციპლინური პერსპექტივის განვითარებას, მომიჯნავე სფეროების (კულტურის ანთროპოლოგია, კულტურის კვლევები, მედიის კვლევები, კროსკულტურული ფსიქოლოგია და სხვ.) უახლესი მონაცემების ინტეგრირების საფუძველზე;</p> <p>კ) სწავლების უფრო დაბალ საფეხურზე მყოფი სტუდენტებისთვის (ბაკალავრიატის და მაგისტრატურის საფეხურები) საკუთარი ცოდნის გადაცემასა და კომპეტენტური კადრების მომზადებას;</p> <p>მომავალი თაობის პროფესიულ განვითარებასა და საზოგადოების წინსვლაში შესაბამისი წვლილის შეტანას.</p>
<p><b>პროგრამის შესაძლო საკვლევო თემატიკა</b></p>	<p>თანამედროვე საზოგადოებაში მიმდინარე სოციოკულტურული ცვლილებები მნიშვნელოვან გავლენას ახდენს ადამიანური ცხოვრების ყველა ასპექტზე; მასმედიის საშუალებები, განსაკუთრებით ახალი მედია, ამ ცვლილებების განხორციელების უმთავრესი ბერკეტია. როგორც მეცნიერები აღნიშნავენ, თუ ადრე სოციალური პარადიგმების ცვლილებას საუკუნეები სჭირდებოდა, დღეს მათ ცვლილებას შესაძლოა მხოლოდ ათწლეულები დასჭირდეს და ეს ფუნდამენტური ცვლილებები სოციალურ მეცნიერებაში არსებული ცოდნის მუდმივ განახლებას მოითხოვს. ამდენად, მსოფლიოს წინაშე არასდროს მდგარა სოციოკულტურული და ინფორმაციულ-კომუნიკაციური ტრანსფორმაციების შესწავლის ისეთი საჭიროება, როგორც დღესაა. წარმოდგენილი სადოქტორო პროგრამა მიზნად ისახავს, წვლილი შეიტანოს სწორედ ამგვარი ტრანსფორმაციების შესწავლაში (როგორც საქართველოში, ისე მის საზღვრებს მიღმა).</p> <p>ბოლო წლებში საქართველოში მიმდინარე სოციოკულტურული ტრანსფორმაციების გათვალისწინებით (ევროკავშირთან ასოცირების ხელშეკრულების ხელმოწერა, საქართველოს მიერ ვიზალიბერალიზაციის მიღება და ა.შ.), პროგრამის</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>თემატიკა გამდიდრდა ევროპეიზაციის აქტუალური საკითხების კვლევით, რაც სხვადასხვა ასპექტში განიხილება, მედიის დისკურსებით დაწყებული და განათლების სისტემის ევროპეიზაციით დასრულებული.</p> <p>პროგრამის შესაძლო საკვლევ თემატიკა მოიცავს შემდეგ საკითხებს, თუმცა არ შემოიფარგლება მოცემული ჩამონათვალით:</p> <ul style="list-style-type: none"><li>) კულტურული, სუბკულტურული და მულტიკულტურული იდენტობები თანამედროვე რეალობაში;</li><li>) კულტურის შექმნის, შეთვისების და გადაცემის მექანიზმები ცვალებად პირობებში;</li><li>) კულტურა, როგორც დისკურსი - კულტურის წვდომა ვერბალური და არავერბალური კომუნიკაციის საშუალებით; მედია და კულტურის პრეზენტაცია ვიზუალური ხატების/იმიჯების გზით;</li><li>) კულტურა, როგორც პერფორმანსი - კულტურის პრეზენტაცია გოფმანისეულ „წინა“ და „უკანა რეგიონებში“, საერთაშორისო და ადგილობრივი პუბლიკისთვის, აგრეთვე მედიის როლი ამ თვითპრეზენტაციაში;</li><li>) ეროვნული იდენტობა და ნაციონალიზმი თანამედროვე პირობებში და მათი შინაარსის ტრანსფორმაცია მიმდინარე სოციოკულტურული ცვლილებების გავლენით; ნაციონალიზმი და რელიგია - ნაციონალიზმი, როგორც რელიგია; ნაციონალიზმის კულტურული პოლიტიკა და მედიის როლი მის გატარებაში;</li><li>) თანამედროვე ტრანსფორმაციების გავლენა გენდერის კონცეპტის კულტურულ კონოტაციებზე და მედია, როგორც ამ გავლენების მედიუმი;</li><li>) პოსტმოდერნული იდენტობები, როგორც „კულტურული ბრიკოლაჟის“ შედეგი; მედია, როგორც „კულტურული ბრიკოლაჟის“ მედიუმი;</li><li>) პოსტმოდერნიზმი და ჰიპერრეალობა - მედია, როგორც ახალი სოციალური რეალობის კონსტრუირების საშუალება;</li><li>) მედია, როგორც კულტურული და სოციალური ტექსტი და მისი ახალი შინაარსები</li></ul>
--	---



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>ინფორმაციულ საზოგადოებაში;</p> <ul style="list-style-type: none"> <li>) რეკლამის სოციოკულტურული ფუნქციები; ერი, როგორც „ბრენდი“ - მისი კულტურის სანახაობრივი ასპექტების რეკლამირება მედიის გზით;</li> <li>) მედია, როგორც სოციალური ზემოქმედების მექანიზმი: იდეოლოგია, ცენზურა და სოციალური აქტივიზმი ტრადიციული და ახალი მედიით;</li> <li>) ახალი ამბების მედია და ახალი მედია, როგორც „ძალაუფლების თამაშებში“ ჩართული აგენტები და მათი გავლენა საზოგადოებრივ დისკურსებზე;</li> <li>) „პოლიტიკის კეთების“ ტრანსფორმაცია ახალი მედიის ეპოქაში - მედიით გაშუალებული ხილვადობა და ელექტორალური პოლიტიკური კომუნიკაცია;</li> <li>) ევროპეიზაცია და მისი კულტურულ-სპეციფიკური ასპექტები. ევროპეიზაციის გავლენა ეროვნულ იდენტობასა და კულტურული ღირებულებების ტრანსფორმაციაზე.</li> <li>) ევროპეიზაციის გავლენა განათლების სისტემის ტრანსფორმაციაზე;</li> <li>) ევროპეიზაციის შესახებ დისკურსები: პოლიტიკური, პოპულარული და მედიის დისკურსები და მათი პერფორმატიული ფუნქცია.</li> </ul>
სწავლის შედეგები	<p>სადოქტორო პროგრამის კურსდამთავრებულს შეუძლია:</p> <p><b>ცოდნა და გაცნობიერება</b></p> <ul style="list-style-type: none"> <li>➤ კულტურის და მედიის სოციოლოგიაში თანამედროვე თეორიების ორიგინალური ინტერპრეტირება, სისტემური და კრიტიკული გააზრების საფუძველზე;</li> <li>➤ ინფორმაციულ საზოგადოებაში სოციოკულტურულ პროცესთა კრიტიკული ანალიზი, მათ შესასწავლად ემპირიული კვლევის დამოუკიდებლად დაგეგმვა და განხორციელება თვისებრივი და/ან რაოდენობრივი კვლევის მეთოდებისა და ანალიტიკური მიდგომების ინოვაციური სინთეზით;</li> <li>➤ კულტურის და მედიის ფენომენების</li> </ul>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>საკვლევად ინტერდისციპლინური და მულტიმეთოდური მიდგომის სპეციფიკის გაცნობიერება და უპირატესობის აღიარება ვიწრო დისციპლინურ ხედვასთან შედარებით;</p> <ul style="list-style-type: none"><li>➤ დამოუკიდებლად განხორციელებული კვლევის საფუძველზე, პრობლემის გადაჭრის ორიგინალური ხედვის შეთავაზება და საკვლევ სფეროში არსებული ცოდნის განახლებაში წვლილის შეტანა.</li></ul> <p><b>უნარი</b></p> <ul style="list-style-type: none"><li>➤ აკადემიური კეთილსინდისიერების პრინციპების დაცვით, კვლევის თითოეული ეტაპის დამოუკიდებლად დაგეგმვა: საკვლევ ინსტრუმენტებისა და შესაბამისი კვლევის მეთოდების დამოუკიდებლად შერჩევა-დასაბუთება, მათი ინოვაციური გამოყენება და მიღებული მონაცემების სათანადო კოდირება, კატეგორიზაცია, ანალიზი, სინთეზი, კრიტიკული შეფასება და ემპირიული მიგნებების ორიგინალური ინტერპრეტაცია;</li><li>➤ სოციოკულტურული პრობლემების ახლებურად გააზრება რთული ან წინააღმდეგობრივი იდეებისა და მიდგომების კრიტიკული ანალიზით და მათ საფუძველზე ახალი კვლევითი ან ანალიტიკური მიდგომების შემუშავება; მიღებული ცოდნის და უნარების სხვადასხვა სოციოკულტურულ გარემოში გამოყენება;</li><li>➤ ახალი ცოდნის არსებულ ცოდნასთან შემოქმედებითი ინტეგრაცია და კვლევის შედეგების პუბლიკაციის სახით წარდგენა, საერთაშორისო რეფერირებადი სტანდარტის შესაბამისად;</li><li>➤ დაგროვილი ექსპერტიზის საფუძველზე, საკვლევ თემატიკის შესაბამისი სასწავლო-მეთოდური მასალების მომზადება და სასწავლო პროცესის წარმართვა სტუდენტზე ორიენტირებული მიდგომების გამოყენებით.</li></ul> <p><b>პასუხისმგებლობა და ავტონომიურობა:</b></p> <ul style="list-style-type: none"><li>➤ ინოვაციურობისა და დამოუკიდებლობის დემონსტრირებით, საკუთარ და სხვათა აკადემიურ თუ პროფესიულ განვითარებაზე ორიენტირებული</li></ul>
--	--



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>საგანმანათლებლო თუ სამეცნიერო აქტივობების დაგეგმვა და განხორციელება;</p> <ul style="list-style-type: none"> <li>➤ რესპონდენტებთან ეთიკური და კორექტული ურთიერთობა, მათი კონფიდენციალობის დაცვა და კვლევის ეთიკის ძირითადი პრინციპების ზედმიწევნით განხორციელება;</li> <li>➤ აკადემიური კეთილსინდისიერების პრინციპების დაცვა და დარგში პროფესიული ღირებულებების დამკვიდრებისა და განმტკიცების ხელშეწყობა.</li> </ul>
<p><b>სწავლება-სწავლის მეთოდები</b></p>	<p><b>წიგნზე მუშაობის მეთოდი</b> - საკვლევ სფეროში არსებული უახლესი ლიტერატურის გაცნობა-დამუშავება, შემოქმედებითად გააზრება და მის საფუძველზე საკუთარი ემპირიული კვლევისთვის თეორიული ჰიპოთეზების შემუშავება.</p> <p><b>წერიტი მუშაობის მეთოდი</b> - კვლევის მონაცემების წარდგენა სხვადასხვა ჟანრის აკადემიური ნაშრომის სახით (არგუმენტირებული ესე, ანალიტიკური რეფერატი, რეცენზია და სხვ.); კვლევითი სემინარის და სამეცნიერო-კვლევითი პროექტების წერიტი ფორმით წარდგენა (ზეპირ პრეზენტაციასთან ერთად).</p> <p><b>პრაქტიკული მეთოდები</b> - ემპირიული კვლევის დამოუკიდებლად დაგეგმვა და წარმართვა და მისთვის ადეკვატური კვლევის მეთოდების შერჩევა-გამოყენება, აგრეთვე მათი ორიგინალური სინთეზი (ინტერდისციპლინურობის და მულტიმეთოდურობის პრინციპების გათვალისწინებით).</p> <p><b>დისკუსია-დებატები</b> - მომიჯნავე სფეროებით დაინტერესებულ დოქტორანტებთან დისკუსიების წარმართვა; სწავლების ქვედა საფეხურზე მყოფი სტუდენტების დისკუსიებში ჩართვა და მათი მოდერაცია (პროფესორის ასისტენტობისას); კვლევის პროცესში ჯგუფური ინტერვიუს დამოუკიდებლად ჩატარება და მოდერაცია; დარგის სპეციალისტებთან დისკუსია-დებატების წარმართვა, საკუთარი არგუმენტების ნათლად ფორმულირების და დამაჯერებელი მხარდაჭერით გამყარების, აგრეთვე ოპონენტის არგუმენტების დასაბუთებულად უკუგდების საფუძველზე.</p> <p><b>ჯგუფური მუშაობა</b> - გუნდური მუშაობის პრაქტიკა კვლევით პროექტებში მონაწილეობის, აგრეთვე სწავლების ქვედა საფეხურზე მყოფი სტუდენტებისთვის მცირემასშტაბური კვლევითი პროექტების დაგეგმვის და</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>ხელმძღვანელობის გზით.</p> <p><b>პრობლემაზე დაფუძნებული სწავლება</b> - საკვლევი პრობლემის სწორად დასმა და მის გადასაჭრელად ადეკვატური საკვლევი ინსტრუმენტების შერჩევა; პრობლემის გადაჭრის არსებული გზების ინოვაციური ხედვით გამდიდრება.</p> <p><b>შემთხვევის ანალიზი (Case Study)</b> - საკვლევ საკითხთან დაკავშირებით, სხვა ქვეყნების და რეგიონების რეალობიდან მსგავსი შემთხვევების კომპარატიული ანალიზი, საკუთარი რეგიონის და საზოგადოების რეალობიდან მსგავსი შემთხვევების კომპარატიული ანალიზი, საკუთარი შემთხვევის ინტერპრეტაცია და კრიტიკული შეფასება სხვა შემთხვევების კონტექსტში.</p> <p><b>სილაბუსით გათვალისწინებული სხვა მეთოდები.</b></p>
შეფასების სისტემა	<p>დოქტორანტის სასწავლო კომპონენტები ფასდება 100-ქულიანი სისტემით. მინიმალურ შეფასებას წარმოადგენს 51 ქულა.</p> <p>დაუშვებელია სტუდენტის სემესტრული მიღწევის შეფასება მხოლოდ სემესტრის ბოლოს ჩატარებული გამოცდის მიხედვით (შეფასება ითვალისწინებს შუალედურ და დასკვნით შეფასებებს).</p> <p><b>შეფასებათა სისტემა უშვებს ხუთი სახის დადებით შეფასებას:</b></p> <ul style="list-style-type: none"> <li>(A) ფრიადი – შეფასების 91-100 ქულა;</li> <li>(B) ძალიან კარგი – მაქსიმალური შეფასების 81-90 ქულა;</li> <li>(C) კარგი – მაქსიმალური შეფასების 71-80 ქულა;</li> <li>(D) დამაკმაყოფილებელი – მაქსიმალური შეფასების 61-70 ქულა;</li> <li>(E) საკმარისი – მაქსიმალური შეფასების 51-60 ქულა.</li> </ul> <p><b>არსებობს ორი სახის უარყოფითი შეფასება:</b></p> <ul style="list-style-type: none"> <li>(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით ხელახლა გამოცდაზე გასვლის უფლება;</li> <li>(F) ჩაიჭრა<sup>1</sup> – მაქსიმალური შეფასების 40 ქულა და ნაკლები, სტუდენტს მნიშვნელოვანი სამუშაო აქვს ჩასატარებელი, ანუ საგანი ახლიდან აქვს შესასწავლი.</li> </ul>

<sup>1</sup>სემესტრის საბოლოო გამოცდაზე ჩაჭრილი სტუდენტი, მიუხედავად მისი მიღწევებისა, შეფასების სხვა კომპონენტებში, ითვლება ჩაჭრილად.





სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>საგანმანათლებლო პროგრამის კომპონენტში, FX-ის მიღების შემთხვევაში უმაღლესი საგანმანათლებლო დაწესებულება ვალდებულია დამატებითი გამოცდა დანიშნოს დასკვნითი გამოცდის შედეგების გამოცხადებიდან არანაკლებ 5 დღეში.</p> <p>სადისერტაციო ნაშრომი ფასდება საუნივერსიტეტო სტანდარტის შესაბამისად.</p> <p>სადისერტაციო ნაშრომის დაცვის კომისიის წევრების მიერ დისერტაციის შეფასება ხდება კონფიდენციალურად, ასქულიანი სისტემით.</p> <p><b>დისერტაციის საბოლოო შეფასებისათვის სადისერტაციო ნაშრომის დაცვის კომისიას გამოყავს ქულათა საშუალო არითმეტიკული, რომელსაც შეუფარდებს შეფასებას შემდეგი სქემის მიხედვით:</b></p> <p>ა) <b>ფრიადი</b> (summa cum laude) – შესანიშნავი ნაშრომი - შეფასების 91-100 ქულა;</p> <p>ბ) <b>მალიან კარგი</b> (magna cum laude) – შედეგი, რომელიც წაყენებულ მოთხოვნებს ყოველმხრივ აღემატება - მაქსიმალური შეფასების 81-90 ქულა;</p> <p>გ) <b>კარგი</b> (cum laude) – შედეგი, რომელიც წაყენებულ მოთხოვნებს აღემატება - მაქსიმალური შეფასების 71-80 ქულა;</p> <p>დ) <b>საშუალო</b> (bene) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს - მაქსიმალური შეფასების 61-70 ქულა;</p> <p>ე) <b>დამაკმაყოფილებელი</b> (rite) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს - მაქსიმალური შეფასების 51-60 ქულა;</p> <p>ვ) <b>არადამაკმაყოფილებელი</b> (insufficient) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო - მაქსიმალური შეფასების 41-50 ქულა;</p> <p>ზ) <b>სრულიად არადამაკმაყოფილებელი</b> (sub omni canone) – შედეგი, რომელიც წაყენებულ მოთხოვნებს სრულიად ვერ აკმაყოფილებს - მაქსიმალური შეფასების 40 ქულა და ნაკლები.</p> <p>მე-2 პუნქტის „ვ“ ქვეპუნქტით გათვალისწინებული</p>
--	--



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>შეფასების მიღების შემთხვევაში დოქტორანტს უფლება ეძლევა ერთი წლის განმავლობაში წარადგინოს გადამუშავებული სადისერტაციო ნაშრომი; ხოლო „ზ“ ქვეკუბექტით გათვალისწინებული შეფასების მიღების შემთხვევაში დოქტორანტი კარგავს იგივე სადისერტაციო ნაშრომის წარდგენის უფლებას.</p>
<p><b>დასაქმების სფეროები</b></p>	<p>სამთავრობო და არასამთავრობო, ადგილობრივი და საერთაშორისო ორგანიზაციები, რომლებიც ორიენტირებულია სოციოკუტურული ცვლილებების დინამიკის წვდომაზე; კულტურის და მედიის კვლევების და ზოგადად, სოციოლოგიის სასწავლო პროგრამების მქონე უმაღლესი სასწავლებლები; სამეცნიერო/კვლევითი ცენტრები, პოლიტიკური კონსულტაციის ცენტრები, მასმედიის საშუალებები, პრესცენტრები, საზოგადოებასთან ურთიერთობის სამსახურები.</p>
<p><b>სწავლის საფასური საქართველოს მოქალაქე და უცხო ქვეყნის მოქალაქე სტუდენტებისათვის</b></p>	<p>სწავლის საფასური შეადგენს 1000 ლარს. სწავლის საფასური უცხო ქვეყნის მოქალაქეებისათვის განისაზღვრება საქართველოში მოქმედი კანონმდებლობით, საქართველოს ხელისუფლების მიერ დადებული და რატიფიცირებული შეთანხმებების მიხედვით.</p>
<p><b>პროგრამის განხორციელებისათვის საჭირო ადამიანური და მატერიალური რესურსი</b></p>	<p>სოციოლოგიისა და სოციალური მუშაობის მიმართულებიდან პროგრამაში მუდმივად ჩართული არიან:</p> <ol style="list-style-type: none"> <li>1. ამირან ბერძენიშვილი, პროფესორი</li> <li>2. ლია წულაძე, ასოცირებული პროფესორი</li> </ol> <p>სადოქტორო პროგრამის სასწავლო კომპონენტის განხორციელებაში მონაწილეობენ სოციალურ და პოლიტიკურ მეცნიერებათა ფაკულტეტის პროფესორები და ასოცირებული პროფესორები; ასევე მოწვეული პროფესორები.</p> <p><b>პროგრამის მატერიალურ-ტექნიკურ მუშაობას უზრუნველყოფს:</b></p> <ul style="list-style-type: none"> <li>✓ თსუ-ს კომპიუტერული ბაზები;</li> <li>✓ თსუ-ს და ფაკულტეტის რესურს-ცენტრები;</li> <li>✓ სოციალურ და პოლიტიკურ მეცნიერებათა ფაკულტეტის ბიბლიოთეკა (თსუ-ს III კორპუსი);</li> <li>✓ ივანე ჯავახიშვილის სახელობის თბილისის სახელმწიფო უნივერსიტეტის ბიბლიოთეკები (ცენტრალური საუნივერსიტეტო ბიბლიოთეკა,</li> </ul>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

	<p>რომელიც მდებარეობს უნივერსიტეტის ქუჩა N11-ში; შოთა რუსთაველის სახელობის სამკითხველო დარბაზი რომელიც მდებარეობს ი. ჭავჭავაძის გამზირი N1-ში, I კორპუსი); <a href="https://www.tsu.ge/ka/library">https://www.tsu.ge/ka/library</a></p> <ul style="list-style-type: none"><li>✓ თსუ-ს ელექტრონული სწავლების პორტალები; <a href="https://e-learning.tsu.ge/">https://e-learning.tsu.ge/</a></li><li>✓ თსუ-ს სტუდენტებს და პროფესორ-მასწავლებლებს შეუზღუდავი და ულიმიტო წვდომა აქვთ ისეთ ელექტრონულ ბაზებსა და ჟურნალებზე, როგორებიცაა: EBSCO Publishing, Cambridge University Journals, JStor, Scopus და სხვა. <a href="https://www.tsu.ge/ka/library/page/893">https://www.tsu.ge/ka/library/page/893</a></li><li>✓ სოციალურ და პოლიტიკურ მეცნიერებათა ფაკულტეტის შესაბამისი ინვენტარით აღჭურვილი მატერიალურ-ტექნიკური ბაზა;</li><li>✓ ეროვნული სამეცნიერო ბიბლიოთეკა და სხვა.</li></ul>
<p><b>პროგრამის ფინანსური უზრუნველყოფა</b></p>	<p>სადოქტო პროგრამის ფინანსურ უზრუნველყოფას ახდენს თსუ და გაწერილია ფაკულტეტის ბიუჯეტში.</p>
<p><b>აკადემიური კეთილსინდისიერება</b></p>	<p>აკადემიურ კეთილსინდისიერებას ძალიან დიდი ყურადღება ექცევა აღნიშნული პროგრამის ფარგლებში. სტუდენტმა (დოქტორანტმა):</p> <ul style="list-style-type: none"><li>) უნდა წარმოადგინოს დამოუკიდებლად მომზადებული დავალება, ნაშრომი, რომელშიც აკადემიური სტილის დაცვით მითითებული იქნება, თუ ვის ეკუთვნის ესა თუ ის იდეა და/ან სიტყვები;</li><li>) არ უნდა მოახდინოს მონაცემთა ან სხვა ინფორმაციის გაყალბება.</li></ul> <p>იმ შემთხვევაში თუ რომელიმე ზემოთხსენებულ ქმედებას ექნება ადგილი, სტუდენტს დაეკისრება ეთიკის კოდექსით განსაზღვრული დისციპლინური პასუხისმგებლობა აკადემიური კეთილსინდისიერების პრინციპების დარღვევის გამო, რომლებიც ჭეშმარიტი აკადემიური განათლების განუყოფელი ნაწილი და უნივერსიტეტის ფუნდამენტური ღირებულებაა. სანქცია შეიძლება იყოს როგორც ნაშრომის ხელახლა მომზადება, ასევე სასწავლო კურსში არადამაკმაყოფილებელი ქულის მიღება.</p> <p>საჯარო დაცვაზე ნაშრომის წარდგენამდე დოქტორანტი ვალდებულია საკუთარი ნაშრომი ატვირთოს <b>პლაგიატის დეტექციის</b> პროგრამაში.</p>



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

<p><b>დამატებითი ინფორმაცია</b> (საჭიროების შემთხვევაში)</p>	<p>სადოქტორო პროგრამას შესაძლებლობა აქვს, მოემსახუროს 2 სტუდენტს.</p> <p>სადოქტორო პროგრამას აქვს ანალოგიები მსოფლიოს არაერთ ცნობილ უნივერსიტეტში, მათ შორის განსაკუთრებით აღსანიშნავია მედიის, კულტურის და კომუნიკაციის სადოქტორო პროგრამა ნიუ იორკის უნივერსიტეტში, რომელიც თავისი მიდგომითა და აკადემიური ხედვით საკმაოდ ახლოსაა მოცემულ სადოქტორო პროგრამასთან: <a href="http://steinhardt.nyu.edu/mcc/doctoral/">http://steinhardt.nyu.edu/mcc/doctoral/</a></p> <p>თსუ-ს დოქტორანტურის მინიმალური სტანდარტის გათვალისწინებით დოქტორანტს აქვს საერთაშორისო სამეცნიერო პუბლიკაციის გამოქვეყნების ვალდებულება. სახელდობრ, დისერტაციის დაცვის აუცილებელი წინაპირობაა სადისერტაციო თემასთან დაკავშირებული შემდეგი სახის ორი სამეცნიერო პუბლიკაციის გამოქვეყნება - რეფერირებადი (Peer-reviewed) სამეცნიერო სტატიები ისეთ მაღალრეიტინგულ საერთაშორისო ჟურნალებში (ან საკონფერენციო მასალებში), რომლებსაც აქვთ ISSN კოდი და ჰყავთ საერთაშორისო სარედაქციო საბჭო (ან სამეცნიერო კომიტეტი) და რომლებიც ვრცელდება საერთაშორისო მასშტაბით და არის ღია საერთაშორისო თანამშრომლობისთვის. ამავდროულად, ამ ორი პუბლიკაციიდან ერთი მაინც უნდა იყოს ისეთ საერთაშორისო ჟურნალში (ან საკონფერენციო მასალებში), რომელიც ინდექსირებულია Scopus-ის ან Web of Science-ის ბაზებში.</p>
--	---



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

**სასწავლო გეგმა**

ფაკულტეტი: სოციალურ და პოლიტიკულ მეცნიერებათა

მიმართულება: სოციოლოგია

საგანმანათლებლო პროგრამის სახელწოდება: კულტურის და მედიის სოციოლოგია

სწავლების საფეხური: დოქტორანტურა

კრედიტების რაოდენობა: 30 ECTS

საგანმანათლებლო პროგრამის ხელმძღვანელები /კოორდინატორი: პროფესორი ამირან ბერძენიშვილი;  
ასოცირებული პროფესორი ლია წულაძე

აკადემიური საბჭოს მიერ სასწავლო პროგრამის დამტკიცების თარიღი, დადგენილების ნომერი: 24/02/2020, დადგენილება №: 20/2020  
სასწავლო პროგრამის ამოქმედების თარიღი (სასწავლო წელი): 2020 -2021 გაზაფხულის სემესტრი

**პროგრამის სტრუქტურა**

სავალდებულო სასწავლო კურსები - 25 კრედიტი														
№	კოდი	სასწავლო კურსის სახელწოდება	ECTS	სტუდენტის საათობრივი დატვირთვა						სასწავლო კურსზე დაშვების წინაპირობა	სწავლების სემესტრი		ლექტორი / ლექტორები	
				საკონტაქტო				გამოცდის დრო	დამოუკიდებელი		სულ	შემოდგომის		გაზაფხულის
				ლექცია	სემინარი/სამუშაო	პრაქტიკუმი/ლაბორატორია								
1		დარგობრივი სემინარი	15	--	--	--	--	--	375	წინაპირობის გარეშე	✓	✓	სადოქტორო პროგრამის ხელმძღვანელი, დოქტორანტის სამეცნიერო ხელმძღვანელი	



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

2	პროფესორის ასისტენტობა	5	--	--	--	--	--	125	წინაპირობის გარეშე	✓	✓	დოქტორანტის სამეცნიერო ხელმძღვანელ(ებ)ი ან სხვა სასწავლო კურსის ლექტორ(ებ)ი
3	კვლევის მეთოდოლოგია სოციალურ მეცნიერებებში - ემპირიული კვლევის მეთოდები <sup>2</sup>	5	30	--	15	4	76	125	წინაპირობის გარეშე	✓	✓	იაგო კაჭკაჭიშვილი ნინო დურგლიშვილი ლია წულაძე დავით სიჭინავა დავით სვანაძე ხათუნა მასაშვილი თეონა მატარაძე რევაზ ჯორბენაძე ალექსანდრე კუხიანიძე კორნელი კაკაჩია
<b>არჩევითი სასწავლო კურსები - 5 კრედიტი</b>												
5	პროფესორის ასისტენტობა	5	--	--	--	--	--	125		✓	✓	დოქტორანტის სამეცნიერო ხელმძღვანელ(ებ)ი ან სხვა სასწავლო კურსის ლექტორ(ებ)ი
6	პერფორმანსის სოციოლოგია	5	15	15	--	4	91	125			✓	ლია წულაძე
7	საზღვარგარეთის აკრედიტებულ უმაღლეს სასწავლებლებში მოსმენილი სადოქტორო კურს(ებ)ი <sup>3</sup>	5	--	--	--	--	--	125		✓	✓	

<sup>2</sup> ამ კურსის გასავლელად მნიშვნელოვანია დოქტორანტს ჰქონდეს ცოდნა, რომელიც შეესაბამება მაგისტრატურის საგანმანათლებლო პროგრამაში შემოთავაზებულ სასწავლო კურსში „კვლევის მეთოდები“ გაწერილ კომპენტენციებს. თუ მას შესაბამისი კომპენტენცია არ გააჩნია, მაშინ ის შესაბამისი პროგრამის მაგისტრატურის საფეხურზე გადის ზემოხსენებულ კურსს და შემდეგ ირჩევს სასწავლო კურსს სადოქტორო საგანმანათლებლო პროგრამაში.

<sup>3</sup> შეფასების დამადასტურებელი შესაბამისი დოკუმენტის წარმოდგენის შემთხვევაში.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

კვლევითი კომპონენტი	
1	სამეცნიერო-კვლევითი პროექტი 1
2	სამეცნიერო-კვლევითი პროექტი 2
3	სამეცნიერო-კვლევითი პროექტი 3
4	სადისერტაციო ნაშრომის მომზადება და დაცვა.

პროგრამის ხელმძღვანელების / კოორდინატორის ხელმოწერა \_\_\_\_\_

ფაკულტეტის ხარისხის უზრუნველყოფის სამსახურის უფროსის ხელმოწერა \_\_\_\_\_

ფაკულტეტის სასწავლო პროცესის მართვის სამსახურის უფროსის ხელმოწერა \_\_\_\_\_

ფაკულტეტის დეკანის ხელმოწერა \_\_\_\_\_

უნივერსიტეტის ხარისხის უზრუნველყოფის სამსახურის უფროსის ხელმოწერა \_\_\_\_\_

თარიღი \_\_\_\_\_

ფაკულტეტის ბეჭედი